



Inatsisartut aalajangiiffigisassaattut siunnersuutigineqarpoq Naalakkersuisut peqquneqassasut 2017-mi innutaasut paasititsiniaaffigineqareernerup aammalu oqallitsinneqareernup kingorna isumasiuilluni taasitinneqassasut, qanoq Kalaallit Nunaanni aatsitassarsiornermi piiakkat pingaanerit saniatigut piiakkat sinneranik tunisassiassanik radioaktiviussinnaasunik takussutissartalinnik imaluunniit akulinnik atorluarneqarsinnaaneranut atatillugu innuttaasunik isumasiuilluni taasisitsisoqassasoq qummut qaffasinnerpaaffissaliisoqarnissaanik 0,05%-imut.

(Inatsisartunut ilaasortaq Steen Lyngé, Atassut)

(Siullermeerneqarnera)

Inatsisartunut ilaasortaq Steen Lyngé siunnersuummik saqqummiussivoq partiiminit taparserneqanngitsumik. Tamanna demokrati aqqani pisinnaatitaaffigaa, soorunalumi Demokratinit tamanna ataqqivarput.

Siunnersuuteqartoq naalakkersuisooqatigiinni qitiusunut ilaavoq 2013-mi nultolerance atorunnaarsinneqarmat. Naalakkersuisuusimavormi. Taamaammat siunnersuuteqartoq sunniuteqassalluni periarfissanik peqarluarsimagaluarpoq. Naalakkersuisooqatigiussimasuni iluminni qaqissimasinnaagaluarpa, aammalu taamanikkut apeqqut partiiminut qaqissimasinnaagaluarpa. Sutigut amerlasuutigut iliuuseqarsimasinnaagaluarpoq. Piviusorlu tassaavoq iliuuseqarsimannginnera. Amerlanerussuteqaqqarnermik uran pillugu nultolerance atorunnaarsinneqartoq isiginnaaginnarsimavoq.

Aaliangiineq taanna demokratisikimik inatsisitigullu ingerlanneqarsimavoq. Tamannalu aaliangiineq tungavigalugu aningaasaliisartut suliffeqarfiillu iliuuseqarsimapput, aningaasaliillutik. Iliuusit aaliangerneqartut aallaaveqarput Kalaallit Nunaanni aaliangerneqartut tatigineqarsinnaaneriniik. Politikerit aaliangiisut tatigineriniik.

Inatsisartunut ilaasortaq Steen Lyngé takuneqarsinnaasutut 2013-mi peqataaffigisani aaliangeeqataasimanini ugguarilersimavaa. Pisinnaatitaaffigaa, kisiannili Inatsisartut suliassarinnigilaat nunap politikkaa aningaasatigullu tatiginassusaa innarlissallugu, soorlu Inatsisartunut ilaasortaq Steen Lyngé aaliangiineq qitiulluni peqataaffigisimasani maannakkut peqqissimissutigilersimagaa. Aaliangiineq piuumassuseqarsimaguni sapiissuseqarsimagunilu pinngitsoortissinnaasaagaluaani.

Siunnersuuteqartoq oqaasertaliinermini isumakuluutinik saqqummiussaqqarpoq avatangiisimut tungasunik. Demokraatit saqqummiussai isumaqatigai. Taamaattumik nuannaarutigaarput maani Inatsisartuni isumaqatigiissutigigatsigu uranisiulersinnaaneq nunat assigiinngitsut isumannaallisaanerit sakkortunersaat atorneqassasut, aammalu piaalersinnaanermut akuersissagutta akuersaarsinnaasatsinnik VVM (avatangiisimut sunniutaasunik naliliineq) misissuisimanermik takussutissamik tunineqarnissarput. Demokraatinit tamanna naammappoq.



DEMOKRAATIT
DEMOKRATERNE

Taakku tunuliaqutaralugit siunnersuut tunuartinneqarnissaa inassutigaarput._